

N. C.  
IRENZE  
185  
10







XXIX  
GOTTST  
1790



~~HN 5~~

AI

I. GOTHOFREDI  
DE  
ELECTIONE MAGISTRATVS  
INHABILIS SEV INCAPACIS  
per errorem factâ,

DISSERTATIO.

Ad L. Barbarius Philippus 3. ff. de  
*Officio Pratorum.*

Ad Amplissimum Virum  
D. NICOLAVM RIGALTIVM  
IC. ET SENATOREM  
REGIVM.

*Virum Integerrimum.*



ROBERT

Sumpt. Ioannis Ant. & Samuelis de Tournes.

M. DC. LIII.

I. GOTTHOLDI

DE

ELECTIONE MAGISTRATUS

INIMILIS SEU INCAPACIS

PER CIVITATEM

DISECTATIO.

AL. L. HAMBURG. PUBLI. P. 1754.

OPUS. T. 1. 1754.

AD. AMPLIATIONEM. 1. 1754.

D. NICOLAV. RICHTER.

IN. ET. SENATOR.

RECTOR.

OPUS. T. 1. 1754.



OPUS. T. 1. 1754.

OPUS. T. 1. 1754.

OPUS. T. 1. 1754.



## DISSERTATIO,

Ad L. Barbarius Philippus 3. ff. *de*  
*Officio Pratorum.*

AMPLISSIME VIR,



EGI haud ita pridem, atque etiam inter  
se sedulo contendere nuperas duorum clarissi-  
morum virorum *Observationes, ad jus Atti-*  
*cum & Romanum spectantes*, ubi multa pro-  
fecto occurrebant recondita; lectionis, at-  
que ab usu sensuque vulgi semota; unde  
etiam legibus nostris gratulari coepi, quæ tam eruditos in-  
terpretes nactæ essent, qui eas omni illâ humaniorum lite-  
rarum facie, quibus ipsi illustres sunt, collustrare possent:  
sine quo certè genuinam Iurisprudentiæ imaginem, singu-  
larumque constitutionum sensum nullus unquam plenè ad-  
sequatur. Sedenim fatendum, ubi singula expendere ac-  
curatius coepi, tam multa ibi occurrere, quæ etsi egregiis  
observationibus fœta, à vero tamen plurimum recede-  
re: Cuiusmodi certè scripta multos in abrupta sæpe tra-  
here solent, dum speciosis doctisque erroribus autem ad-  
sensumque *inveniens* præbent. Ejus verò rei atque erro-  
ris causas, cum replico, potissima illa mihi visa semper,  
quod *Arcanorum seu Mysteriorum* Iuris, quæ hodie felice-  
ter prodita sunt, multi haud satis, neque ad omnem sem-  
per occasionem memores, neglectis sis, ad ea sese proximus  
conferunt, quæ extrema esse debuerant, ad legum in-  
quam correctiones: quæ familiaribus, sis ve dicam, re-  
medii sanari possunt: Cuiusmodi sunt ista, quæ in spe-



#### 4 DE ELECTIONE MAGISTRATVS INHABILIS

ciem minima contemptuque penè digna multi putarent: puta, diuifio feur diductio duarum vocum dictionumque, quæ in vnam perperam coaluere: Interpunctio accurata: ambigua vocis enodatio: sententiarum demum, quæ in vnâ eadèmq; constitutione feur lege occurrunt, fed diuerfos sæpe auctores habent, diftinctio: de quibus omnibus extant iam præclara aliorum monita: adnotatis etiam exemplis, vbi remediis his non tantum obfcuris & intricatis legibus, medela luxque adhibita, verum etiam flexa aliorum fcripta dictaque euoluta. Et merito: nam & retrò elenchorum, errorum, fophifmatum, ἀμφιβολία, pro-na hæc sæpe materies eft, fi diuifa copulentur, fi interpunctio falſa fit, fi ambigua dictione, feur ὁμοθυμία ludatur: tandem fi diuerforum fcripta, ſententiæque commiſceantur: Per hæc enim non perplexus modò orationis ſenſus redditur, verum etiam in totum sæpe vertitur feur mutatur. Vnicum modò, fed memorabile, quòdque in ipſis rerum argumentis obtinet, exemplum, nunc adferre libet, & quidem, Pandectarum ordine ſeruato, primum, ex illis ipſis *Obſervationum* libris, interea dum cætera ab iis qui orio magis diffluunt, diſcutiuntur, petitur.

Solemnis eft admodum & famoſa, imò quotidiana, Lex *Barbarius Philippus* 3. ff. de officio Prætorum. vt quæ ſui perplexitate Tranſalpinos feur Tranſmontanos noſtros iam olim cum Ciſmontanis feur Italis non parum commiſit: quæ variis & prolixis commentariis illuſtrata eft, & in his potiffimum à Bartolo, Baldo, cujus vnus tres ad eam lecturæ exſtant, & Iaſone: quæ ſingularibus item Repetitionibus dorata eft, & in his quidem à Camillo Plautio: quæ ſuperiore etiam ſæculo Cujacium & Robertum inter ſe colliſit: Demum, quæ etſi argumenti dignitate ſolemnis non eſſet, in ſolemne tamen euäſſet, ob varias ejus Interpretationes & Emendationes.

Nam etſi de *ſæſti* ſpecie, ſeu caſu qui ibi proponitur, liquida res ſit, Barbarium videlicet Philippum ſeruum Romanum

nam fugisse, ibidémque pro libéro sese gerentem, Præturam à populo petiisse & impetrasse, mox & gessisse: multatque exinde in Prætura edixisse, decrevisseque: multosq; apud eum lege vel quo alio jure egisse. Rursum, etsi de *Questione*, quæ posteriore huiusl. sententiâ tractatur, liqueat: nempe, utrùm gesta ab eo in Prætura, vel apud eum actitata rata sint necne: Postremum etsi liqueat, id ibidem in summam *definiri*, seu summarium illud ex huius legis decisione confici, gesta interim à seruo Prætoris per errorem designato, vel apud eum actitata, rata esse firmitatémque obtinere: quamlibet non optimâ lege, non iustus undique Prætor fuerit. Quæ quidem etiam Ultramontanorum nostrorum iam olim sententia fuit: proscriptâ Italicorum quorundam, qui Barbarium & iustum omnino Prætoris fuisse asseriebant, ac præterea liberum exinde factum contendebant. Hæc, ut dixi, hodie satis perspicua sunt, vel certè internosci satis possunt: Atenim verba ipsa undique perplexa flexaque, neque certa satis aut constans verborum cohærentia: imò pleraque in speciem in se concurrentia & contraria: sic ut quam in partem te veritas, nescias: quando semper, quicquid molire, aliquid ibi protuberat hiátque. Specta enim mihi sis illud, quod Barbarius Philippus, ut hodie Lex legitur, modò Præturâ functus dicitur, imò & verè Prætor fuisse asseritur, si vulgatę lectioni stamus, modò apertè negatur. Illud etiam specta, quod servitutem Barbario isti Prætori designato nuncupatis verbis nihil obstitisse asseritur: mox tamen illud ipsum in quæstionem seu controuersum reuocari videtur, inani proinde, ut plerique censent, posteriorum tractatu: Tandem Vlpiani verba à Pomponii sententia difficulter separe.

II. Hinc illa igitur tantæque sententiarum & Interpretationum varietas, tot denique Emendationum experimenta, imò cautela: Pars quippe in hac lege nonnulla expungere, alii contrà quædam inserere, aliòve modo

## 6 DE ELECTIONE MAGISTRATVS INHABILIS

eam interpolare: imò & aientia ibi cum negantibus, & retrò, mutare: vnde iam lex ista *Barbarius*, *Barbara* magis quàm antè reddita, cùm superiorum sæculorum *Barbaria* premeretur. Et genuinum tamen eius sensum seu intellectum haberi, veràmque ejus lectionem firmari semel, plurimùm interest. Nam etsi hypothesis ejus versetur circa *seruum*, atque adedò his hodie moribus inutilis ea videatur, attamen definitio ejus latissimè porrigitur, & verò à Doctoribus ac Pragmaticis ad alias similes species complurimas & nobilissimas traducitur: quòdque de Incapaci ob seruilem statum, ritè tamen electo, hac l. definitur, ad alias Incapacitatis & Incapacium species argumentatione trahitur; veluti ad Excommunicatos, Iudæos, Paganos, Gibellinos, Simoniacos, per errorem ritè tamen, electos: Porrigitur & ad Notarios seu Tabelliones, Consules mercatorum Episcopos, Prælatos, Imperatores, quascunque tandem dignitates, sæculares, Ecclesiasticas, per errorem ritè tamen collatas: In tantù vt Baldus quoque in l. non mutant, C. de lib. caus. exemplum ponat in Papà ineligibili post Innocentium in cap. nihil. extr. de elect. Imò Iason ad hanc l. n. 57. fol. 40. verso, quartit de gestis à Ioanne foeminà homulà, quæ tum supponebatur ad Papatum, ritè tamen electà. Quod exemplum multi deinceps alii afferunt, veluti Morl. in ..... de iurisd. quest. 26. Th. Sanch. lib. 3. de matrimon. disp. 22. num. 28. Hotomann. quest. illustr. cap. 17. Vide & Amayam ad leg. 1. Cod. si seruus aut libert. ad de-aurionatum adspirauerit.

Sunt igitur, qui vocem *nihil* expungendam in hac lege censent, ibi, *nihil ei seruientem obstiisse*: quasi Pomponius dixerit, hoc casu Barbario seruitutem obstiisse, quò minus Prætor reuerà esset, Quod tota tamen lex egerat: nam & is apertissimis verbis Præturà functus dicitur, sic vt multa eum edixisse decreuissèque addatur, multosque apud eum Lege, vel quo alio iuro egisse memoretur: tandem eadem omnia rata esse affirmetur.

Alii,

Alii, & in his quidem Robertus, 1. *Receptum* 18. & *Animaduersionum*, ut & *notarum ad notas Mercatoris* 18. Horomannus item, 17. *Illustrium*, negatiuam expungunt: ibi, *quasi Prætor non fueris*. Quos sequentia omnino refutant: ubi Præturâ tantum functum Barbarium, non verò, iustum scilicet, Prætorem fuisse asseritur seu conceditur: & exinde controuersia enata discutitur, utrum gesta saltem ab eo vel apud eum rata sint.

Contius, *lib. 1. Dissut. 2. ut & Cuiacius ipse* 18. *Observat.* 33. negatiuam non addunt, ibi, *in dignitate Prætoris functus sit*: vel saltem, loco *in*, vel, ut est in Florentinis, *ni*, negatiuam non substituunt: quam sententiam rectè refutauit Robertus.

Et hæc quidem singulariū vocum interpolationes ad hanc l. occurrunt. Eadem difficultas in distinguendis Pomponii verbis ab Vlpianeis: Omnes enim, quod sciam, hæcenus Vlpiani verba inde sumunt, *Adquid verum est*: quasi ea sint Vlpiani Pomponium vellicantis: Quæ sanè capitalis hæc fraus, seu error hæcenus fuit. Quod *questiones* huius l. attinget, sunt qui tres eâ contineri putant: num videlicet Barbarius Prætor fuerit, num seruus manserit, num gesta ab eo vel apud eum rata sint: cum duæ tamen tantum hæc questiones tractentur: prior, inquam, & postrema: & hæc quidem adhuc ab Vlpiano prioris tantum occasione succenturiata: Vnde & Ultramontani nostri vnâ tantum questionem vnâque decisionem hac l. contineri scripserunt.

At subtiles sese putant, qui Pomponium agere censent de Barbario *designato* tantum Prætore, Vlpianum verò de Præturâ functo: quæ Roberti sententia fuit, *Receptar. ult.* & quadantenus etiam nuper Heraldus, *Observat. cap. 4. et c.* eam ipse non omnino probet: Quod ut à Cuiacio pridem rectè, ita & nuper adhuc refutatum est: *Designatus* enim Prætor *hac l.* non alio fine sensu dicitur, quàm quia non nisi designatus, seu post designationem à populo ritè fa-

## 8 DE ELECTIONE MAGISTRATVS INHABILIS

Am, actu videlicet habito ex lege seu secundum legem, comitiis inquam, centuriatis, Præturam gerere potuit, & reuerà Præturâ eum functum sequentia testantur. Ergo designationis mentio fit, non vt indicetur, hoc casu intra nudam designationem rem stetit, sed tanquam necessarii antecedentis, & ad differentiam eius qui citra designationem legitimam, in officium sese intrusisset. Et certè vetus auctor quoque apud Suidam, id testatur, non intra designationem rem stetit: neque enim tantum in genere de Barbario ait *ἦν*, & mox, *βαρβάρου τῶν ἀρχαίων ἦν*, verum etiam expresse, Barbarium hunc visum ait, *ὅς ἀρχὴν τῆς Πραιτωρίας ἔλαβεν*. Quem locum primus, quod sciam, Turnebus feliciter, vt alia multa, 7. *Aduers.* 7. & post eum Contius, 1. *disput.* 2. notauit: qui prior etiam suspicabatur, hæc Æliani esse.

Idem verò Robertus & Heraldus alia ibidem moliantur: ille quippe vocem *ἦν*, ibi, *si seruus quamdiu latuit*, pro interrogatiua *an* positam existimat: Hic verò duo integra membra seu cola, vetut è scholio in textum recepta, expungit: hoc primum, *quasi Prætor non fueris*: dein istud, *in dignitate Prætoriâ*: idemque tertio, *pro adquin verum est*, reponit, *quia verum sit*.

Hæc similiâque si viderent hodie Pomponius vel Vlpianus, suamne illi amplius legem agnoscerent, cuius neque vola neque vestigium amplius superesset: imò quam *pauitantem*, & *dira tequentem supplicia* sic viderent?

An tolerabilior verò eorum sententia, & in his Lopezii Maderæ, *Animadu.* 6. qui aiunt, Barbarium à Pomponio dici Prætorem de iure fuisse, ab Vlpiano verò de æquitare? Nihilomagis: nam imò Pomponius concedit, eum Prætorem iustum scilicet non fuisse: & Vlpianus ipse non disputat, quo iure, quâ lege, Barbarius Prætor fuerit, *verum* quo iure locove haberi deberent gesta seu actitata ab eo vel apud eum.

¶ 11. Sed noua nunc nuper emerfit CL. SALMASTII  
cmen-

emendatio, *Observationum* cap. 14. ubi pro hisce verbis, *sed nihil ei servitutem obtitisse ait Pomponius*, ipse reponit, *sed non id ei à servitute obtitisse*, &c. hoc sensu, Barbarium Prætorum designatum, non idè servitute liberatum, non idè servum esse desiisse. Quæ ut violenta nimis emendatio, coactaque interpretatio est, ita in ipsammet Legem non vnâ ratione incurrit. Dixi *violentam emendationem*: ecquis enim non iam dico Iurisconsultus, verùm ex aliis quoque scriptoribus ita vniquam locutus est? Nam quod *obstandi* verbum attinet, *obstare*, puto, vel *non obstare* res vel persona aliqua alteri dicitur, potiori scilicet, vel certè commodæ, non verò incommodæ: ut apud Poëtam, in illo:

*Idè, placet, tantumque bonis communibus obsto.*

Et in illo:

*quorum virtutibus obstat*

*Res angusta domi.*

Quod verò integrum formulam illam attinet, à *servitute obstare*, pro *servituti obstare*, quis eius locutionis fundus? quis auctor, antiquæ potissimum veræq; Latinitatis? Scilicet ita quoque Diogenes (ut scribit Valerius Maximus, lib. 4. cap. 3. in externis, §. ult.) rogasse dicitur Alexandrum, *Ne sibi à sole obstaret*. Quàm verò dissimile istud? Potuit equidem istud ita rectè dici, à *sole alicui persone obstari*, cum objectu corporis sui alteri solis usum interciperet, & ab eâ parte impedimento staret, quâ Sol lucet seu fulget. Sed quid illud esse possit, *Praturam alicui à servitute non obstare*? Hæc de formula & emendatione.

Idem verò eâ emendatione, & exindè eo sensu quem huic l. affungit, plurima admittit. Primum enim in eundem cum Accursianis lapidem impingit, quod autumat, hac l. quæsitum, utrùm Barbarius Prætor designatus Prætorque functus, idè servus esse desierit: cum contrà ha. l. quæsitum fuerit, utrùm servitus Præturæ gestisque in eâ obstaret. Quod ut expressa Legis verba restantur, ita etiam illud inter Iurisconsultos quæri non potuisse neque debuisse

††

amplius,

amplius, hystoriæ quoque veritas contestatur: auctor enim est scriptor ille incertus, sed vetustus apud Suidam, Barbari Præturam gerentem à domino suo agnitū sui pretium domino clam inq; domū seducto pro libertate rependisse: *κ. τις τῶ δικτα ἄγει κ. καὶ βαλὼν πῶμα πρὸς αὐτὰ μὲν τοῖς αὐτοῖς ἔλυσσας.* Igitur de Barbarii statu seu libertate eius quæri amplius non debuit, quandoquidem in Præturâ ipsâ à domino liber factus fuerat. Postremum tantum abest, de eo quæri inter Iuriscultos potuerit, vt contrâ tota hystoria contestetur, huiusmodi Pseudolos & subdititios seruos, non dominis modò suis redditos, verum etiam poenæ addictos. Facto igitur aliquo expresso hoc casu opus erat, vt subdititius huiusm. libertatis compos fieret: de quo inter Iuriscultos ne dubitabatur quidem. Grauis proinde error est Citramontanorum, qui libertatem hoc casu collatam, tanquam necessarium antecedens, aiebant. Quæri igitur tantum potuit & debuit, de Barbarii dignitate Prætoriâ, deque gestorum ab eo vel apud eum robore.

Idem in eo pariter errat, quòd ista, *Adqui verum est.* &c. Vlpiani esse putat, Pomponium vellicantis: Idem, quod quartum, sequentia ita refingit: *Vt tamen videamus, si seruus quamdiu latuit in dignitate Prætoriâ, eâ functus sit quid dicemus:* Quasi hæc verba sequela sint verborum Vlpiani: cum tamen initium eorum constituent: interposito etiam pro nomine *eo*: quo nihil ibi opus: *Functus* enim ibi absolurè dicitur, is qui in dignitate Prætoriâ constitutus, munia Præturæ obijt. Idem, quod quintum, putat, Pomponium existimasse, nullam in vllò Præturæ à Barbario gestæ rationem habendâ: Nam imò contrâ is clarè dixit, neque seruitutem ei obstitisse, & verum semper esse quòd Præturâ functus fuerit: de quo mox. Idem, quod sextum, Vlpiani instantiam ita format, quasi is ei quod Pomponius dixerat, Barbarium nihilominus in statu seruitutis permanuisse, opposuisset, *Adqui verum est* &c. Neque enim, vt dixi, hæc verba sunt Vlpiani, ac proinde non instantiz ali-



tia alicuius, seu *ἐπὶ ἀλλοτρίῳ*, verum eiusdem Pomponii, ad id quod minimum saltem est, per concessionem, rem deducens: ita scilicet, si Barbarius Prætor non fuisse concedatur, iustus scilicet, saltem quod negari non potest, Præturâ functus est. Id quod nunc statuere iuvat: iam enim germanam lucem pristinamque sanitatem, quam dudum expectat, huic legi reddamus.

IV. Primò, verba ipsa constituenda sunt, ut totius legis *ἀπονομιὰ*, & ratiocinationem integram nullo negotio assequi possimus, quidq; etiam Pomponii sit, quid Vlpiani, internoscere. Igitur intactis omnibus, illa quæ irritatam hanc legem reddidit, sic interpuncta, vno spiritu seu continuo filo, legi oportet, nullo mutato additove aut detracto. *Sed nihil ei servitutem obstiterisse ait Pomponius: quâ, si Prætor non fuerit, adquin verum est, Præturâ enim functum.* Et hætenus quidem Pomponii verba. Mens eius hæc est, Barbario huic seruo homini hoc casu (quomodo etiam loquitur Imperator, in l. 1. C. de testamentis) servitutem nihil obstiterisse, quominus Prætor designatus, si non iustus undique, proprièque Prætor fuerit, attamen, quod negari non potest, Præturâ functus dicatur. Ait Pomponius: *Quia*: servitute scilicet, & sic propter quam, vel in eâ constituto: *Quæ* scilicet servitus Barbario impedimento est, ne iustus undique Prætor fuisse dicatur, eadem obstare non potest, quin secundum legem, ritè à populo designatus, Præturâ functus fuerit & dicatur. Et sic *quâ* si diductè legendum: sic etiam ut neque opus sit hîc vocem *quia*, pro *quâ* substituere: *quasi*, pro *quâ* si: errore promiscuo, quod libri olim scripti vno tenore & continuo scriberentur. Ait dein Pomponius, *Adquin*: quæ vox relationem habet ad præcedentia illa, *si non*, & continuo spiritu legenda veniunt. *Adquin* pro simplici *at*, seu *tamen*, *attamen*, vel *saltem*: Quo sensu Vlpianus vocem hanc non vno loco effert, ut l. 13. in fin. ff. de usufructu, l. 1. ff. si seru. vindic. imò idem Pomponius, in l. ult. §. 1. ff. de iure-



*jurando.* Vt omittam scriptores alios, apud Terentium ad eum modum interprete Donato, eodem sensu vox *Atque.*

*Mihi quidem hercle non sit verisimile, atque ipsis commentum placet.*

Scilicet vox *atquin* huc accipienda est, non pro aduersatiuâ immo, velut Vlpiani, suam sententiam opponentis Pomponianæ, vel etiam exaggerantis seu ampliantis Pomponii sententiam, quomodo hætenus alii accepere, & in his Camillus Plautius *num.* 73. verum ipsiusmet. adhuc Pomponii, differentiam interim constituentis, vel saltem concedentis inter Prætorem justum scilicet, verum, propriumque; & Praturâ fungentem, & ad id quod minus est, quodque negari non posset, rem deducentis. Denique vox hæc *Atquin* propria est *concessioni*, si- cût etiam sæpe, quâ pars datur, vt reliquum saltem feramus: similiter vt vox *At* accipitur in illo Virgili.

*Non dabitur regnis Esto prohibere Latinis,*

*At trahere, atque moram tantis licet addere rebus.*

Et Cicero in Verrem: *Sit fur, sit sacrilegus, &c. At est bonus Imperator, & felix, & ad dubia Reipublica tempora referendus.* Quare id voluit, vt dixi, Pomponius, etsi Barbarius in casu proposito, non justus, non proprius Prætor fuisse concedatur, id saltem verum esse, quod Præturâ functus fuerit: *εἰ μὴ διεγίγνετο, ἀλλ' ὡς ἔστιν.* Et hætenus quidem Pomponius: qui ita, vt dixi, in hac facti specie per concessionem distinguebat. Quomodo certè haud absimiliter prorsus, etsi de meo facto, aliud esse dicitur, in seruitute esse, & seruum esse. *l. ei quoque 11. ff. ex quibus caus. mai. l. cùm heredi 32. ff. de adquir. poss. v. & Quintilian. lib. 2. item in libertate esse seu morari, & liberum esse l. 10. cum seq. ff. de liberali causa: l. 3. §. si seruus, ff. de adquir. poss. denique in possessione esse, & possidere, d. l. 3. §. vlt. Quia in his omnibus priora factum denotant, posteriora jûs. Et hætenus quidem Pomponius.*

v. Quid ad hæc Vlpianus? Cùm videret is, Pomponium

nium hoc sine stetit, ut de dignitate tantum Barbarii, heri servi, hodie iam liberi, pronuntiaret, neque satis expressisset, quo sine eam differentiam constituisset, concessissetque, & sic videret, non expeditam ita clarè questionem & controuersiam omnem, quæ hac parte moueri poterat: Imò cum videret, obniti quosdam adhuc posse, nequidem Barbarium Præturam functum dici iure posse in terminis iuris, seu de iure (nam de nudo facto seu de nudâ Præturæ gestione, ne infans quidem dubitare poterat.) Denique cum videret is, ex eo ipso quod Pomponius ultro dabat, seu concedebat, Barbarium Prætorem non fuisse, colligi posse, ab eo vel apud eum gesta irrita esse oportere, velut qui Iudex incompetens fuerit, non justus Prætor, imò falsus quoque quodam sensu, quo Valerius Max. lib. 3. cap. 4. §. 5. falsum M. Perperne Consulatum dixit, & caligini simile imperium & adumbratum nomen: aliter atque falsus tutor in iure dicitur, *Ad hoc nomine*, quem ab *ad hoc* separat Aristoteles, 3. Politicorum 2. Ipse, inquam, Ulpianus id inexcussum relinquere nolens, sermonem ita ingreditur, *Et tamen*, inquit, *videamus*, &c. Quæ sanè verba sunt, non tam vellicantis Pomponii sententiam, quàm dubium quod supererat mouentis, mox & resoluentis: Ac si diceret, esto, Pomponii sententiæ & *intercensuram* adhærescendum, nondum tamen res confecta est: illud enim querendum adhuc superest, quænam vis sit eorum quæ à Barbario Præturam gerente vel apud eum gesta fuerunt. Quid istâ lectione planius? nullo scilicet mutato additõe vel detractò: verum, quatuor iis tantum, quæ initio dixi, obseruatis, diductis, inquam, duabus vocibus, quæ in vñam perperam coaluerant: interpunctione legitimâ: ambiguitate vocis *adquin* sublata: distinctis tandem Pomponii & Ulpiani sententiis?

VI. Nunc videndum est, quânam occasione Ulpianus in hanc questionem ingressus sit, quod & ipsum scire prærimùm interest, & nondum tamen à quoquam notatum;

## 14 DE ELECTIONE MAGISTRATVS INHABILIS

vel rectè expensum reperio. Id verò sciemus, si nouerimus, in quo argumento eo libro, vnde hæc lex desumpta est, Vlpianus versatus fuerit. Ergo sciendum est, hanc legem desumptam, non quidem ex Sabino ipso, quod Duarenus minùs pensè scripsit, verùm ex libro 38. *Vlpiani ad Sabinum*: quo quidem, vt & proximo 39. egerat de TUTELA Legitimâ & Datiuâ, de quæ curâ furiosorum, vt docent reliqua fermè Legum fragmenta quæ exinde supersunt. Eâ verò parte quæri potuit de *Magistratu*, seu de Prætorè, & quidem Tutelari, à quo Tutor datus fuit, qui postea seruus detectus est: Quæri potuit, de *pupillo vel adulto* cui tutor datus est, quique postea seruus detectus est: Quæri potuit, de *Tutore* dato, qui seruus postea apparuit: de quo sanè agitur *l. in seruil 7. C. qui dare tutores*. Quæsitum certè illo libro de tutore, qui captus postea ab hostibus, quive missus ad hostes quasi Legatus, vel etiam receptus ab his, aut transfuga, vt patet ex *l. 15. ff. de tutelis*. quæ ex *eodem Vlpiani lib. 38. ad Sabinum* desumpta est. De his, inquam, omnibus quæri eo libro potuit, vel etiam quæsitum fuit: & generaliter, de immutato vel detecto post delatam vel coëptam tutelam, Magistratûs, pupilli vel adulti, tandem & Tutoris, statu vel conditione. Et certè ed apertissimè pertinet dicta lex 15. *de tutelis*: Pertinet item lex *qui furere cæpit 20. ff. de stat. hom.*, quâ definitur, eum qui furere cæpit, & statum & dignitatem in qua fuit, & Magistratum potestatemve retinere, sicut rei suæ dominium retinet. Et ita quidem interim hæc duæ leges, velut ex *eodem Vlpiani libro 38. ad Sabinum* desumptæ, huic nostræ coniungendæ sunt, conjunctæ: ad eò maximam illi lucem fecerantur. Similiter enim & nunc *l. Vlpianus* agit de mutatâ vel de detectâ saltem conditione seu statu Prætoris, cuius fortè etiam decreto tutor datus fuerat: Quæ sanè tutoris datio, *Legis actio* est: & cum id faciebat Prætor, *lege agere* dicebatur: vt & qui tutores ab eo petebant: vt & alii apud eum agentes, Lege vel quo alio jure apud

apud eum agebant. Quæ omnia Vlpianus his verbis complexus est. *Quid dicemus, inquit, quæ edixit, quæ DECREVIT, nullius fore momenti? An fore, propter utilitatem eorum qui apud eum EGERUNT vel LEGE, vel QVO ALIO IVRE?* Et ita quidem egregiè hæc tres leges inter se coherent. Inde enim conficitur, non modò ad quòd argumentum generale hæc lex referenda sit, verùm etiam ad quam hypothesin ea pertineat: In tantum etiam ut quæ hic de Prætoribus dicuntur, de Prætoribus Tutelari propriè accipi posse videantur.

vi. Stabilità hunc in modum huius Legis lectione superioribusque ita, *ὡς ἐν νομοθεσίᾳ*, præcognitis, *magistraliter* nunc, ut loquuntur, hanc. diuidamus, & interpretemur. Duæ sunt omnino huius l. partes, seu summa capita: non quomodo Accursianus diuidunt, tres partes, vel etiam tres quæstiones, quod iam antea repudiavimus: Prior pars ad illa usque, *Et tamen*, &c. porrigitur, totaque est Pomponii Iurisconsulti, referente Vlpiano: Pomponii, inquam, qui sub Marco Antonino Philosopho Imp. scripsit, quique hoc thema tractauerat, vel libro 17. ad Sabinum, seu ex Sabino (nam ita promiscuè libri hic citantur) quo is de Tutelis pariter egerat, cuius alioquin scripta in commune, ad Sabinum nominatim, præ manibus habebat Vlpianus, cum suos ipse libros sub Antonino Caracallâ scriberet, vel certè libris *Variarum lectionum*, in quos varia & insigniora themata historica, quæ Iurisconsultos olim exercuere, retulerat: ut patet quoque ex l. vi. ff. de rerum diuis. l. 6. ff. de captiuis: l. 41. ff. de hered. instit. quos quidem etiam Variarum libros Vlpianus iisdem ad Sabinum libris allegat, in l. 7. ff. de donat. inter vir. & ux. Pomponium certè egregium Historicum fuisse comprobatur vel lex 2. ff. de origine juris, quæ tota historica est, & historiam juris continet, & lex 5. ff. de captiuis, lex 17. de legationibus: ut cæteroquin historiarum cognitio ad Iuris scientiam plurimùm confert. Imò idem Pomponius, non tan-

tum in *d. l. 2. ff. de origine juris*, totam Prætorum historiam euoluit, in quo censu fuit quoque Prætor tutelaris, verum etiam iisdem Variarum libris de Prætoribus multa commentatus est, & quidem in *d. l. 17. in fin. ff. de Legationibus*; ubi alterum quoque exemplum proponit Prætoris, de cuius statu dubitabatur. Pomponius igitur inter alia, casum seu thema istud illustre de Barbario Philippo Præторе sibi proposuerat, è vetustate reperitum. Quod quidem sub Triumuiris, ac nominatim sub M. Antonio, Romæ contigerat. Quod discimus ex vetusto auctore illo, è quo habet Suidas, qui vnus hanc historiam præterea habet, eandemque inter cætera fortunæ ludibria memorat: *ἐκείνῳ δ', ἵν' αὖτε ὁ γὰρ τοῦ τῶν; μὴ σὺνται ἔ πασιδῶν.* Sic sanè sub iisdem Triumuiris memorat Dio Cassius simile alterum exemplum, (*quod tamen Ill. Scaliger, in Eusebii quæ hanc historiam perstringit, chronicon, p. 147. non diuersum, sed nomina tantum mutata, & Quæsturam pro Præturâ posuisse putabat.*) lib. 48. in gestis A. V. C. 715. trigintaquinque ferme ante natum Christum annis de Maximo seruo quodam, qui Quæsturam Romæ petierat, à domino suo pariter agnito, sed cui non tam feliciter res hæc cesserat quàm Barbario: etsi enim id Maximo publicè impune fuerit, pariter vt Barbario (falsum enim est quod Bachouius scripsit, Barbarium poenâ affectû ab Antonio, cui tam turpiter statu dissimulato illulisset) attramen à domino is abductus dicitur. Posteaquam enim Dio dixit, seruos tum temporis etiam in Senatû alleetos, subiicit. *μαξιμου γοῦν παρὰ τοῖς βασιλεῦσι μελλόντων ἐξέρχοντο τὸ διασκεπὲς καὶ ἀπίστα, καὶ τὸ μὴ εἶναι ἀπὸ τῶν πολλῶν τῶν ἀνθρώπων αἰσίων.* Ex his interim discimus, ex hoc inquam, Barbari Philippi, vt & altero Maximi medico, seu Amatio, fugitino (vt Cicero eum vocat) qui paucis antè annis Marii se filium vel nepotem asseruerat: de quo præter alia testimonia emerisit haud ita pridem Nicolai Damasceni locus insignis, in excerptis

excerptis Valefianis p. 486. Ex his, inquam, discimus, propriam illius temporis sub Triumviris labem, ne mpe quod serui multi quasi liberi ad dignitates tum ambii essent; *Ambiissent*: inquam, apud populum, penes quem tū in suffragia seu coinitia erant, vt ex hac quoque Lege discimus: qui centuriatis vicelicet comitiis Magistratus creabatur: De quo alioquin honorum ambitu hic ineptè Interpretes per summam *ἀνισοκρασίαν* tumultuantur. Et certè vetus quoque scriptor ille, apud Suidam, Barbarium Philippum in Antonii gratiam à populo Prætorem designatum scribit. Neque huic haud adedò ab simile exemplum occurrit apud Plutarchum, in Cicerone, de actis Clodii Tribuni plebis, quem Cicerò *πατριάρχης* ex Patriciis ad Tribunatum adspirasse contendebat, & idedò *χύριον* idem *εἶναι τὸ πρῶτον μὲν ἐν αὐτῷ*. Catonis contrà sententia erat, *δεῖν δὲ βίαν ἀποφύγειν, ἀνελπίστου ἰσχυροῦς δοῦν μάταιον καὶ πρᾶξιν ποιεῖν τὴν οὐκ ἐκ νόμου*. Quamquam & iustior ibi Catonis sententia, quod lege latà Clodius iis legibus solutus fuerat, quæ eum alioquin verabant esse Tribunum. Hoc igitur Barbarii Philippi thema historico-Iuridicum Iurisperiti sibi olim velut solemne proposuere, Pomponius sub Marco, Vlpianus sub Antonino Caracallà: quomodo & alia huiusmodi solemnia themata Iurisperiti habebant: Haud aliter atque *Rhetores* in scholis sua & solemnia quædam themata habuere, quibus se suosque discipulos exercerent. Et alioquin multa huiusmodi exempla habet Romana historia, seruerunt impostorum fugitiuorum, qui se pro liberis venditantes ad summos honores peruenere vel contendere. Iam suprà exemplum attulimus de Herophilo medicò equario fugitiuo: Claudii item Pacati exemplum memorat Dio, qui Centurio fuerat, quemque Domitianus domino reddidit, quod seruum eum esse constaret. Vlpiani certè etas ipsa singulare exemplum præbet sub Pertinace, de seruo quodam, qui, quasi Fabii esset filius ex Ceionii Commodi familià, Palatinam domum ridiculè vindicauerat, qui

tamen cognitus, iussus est flagellis cœsus domino restitui: vt refert Capitolinus, *in vitâ Pertinacis*. Et hæc quidem de ipso themate quod hac lege proponitur, deque Pomponio qui id retractauit: Non eo certè sine, quod ambigeret de Barbarii post Præturam ab eo peractam, postque detectum eius statum, conditione, quænam, inquam, post hæc, statum teneret, de quo ne dubitatum quidem iam ostendi: verum vt de pristinâ tantum eius dignitate anquireret. Et sic de priore huius legis parte.

VIII. Pomponium secutus est Vlpianus, vt alteram nunc huius l. partem ingrediamur, qui hoc ipsum thema sibi accuratiùs pertractandum proposuit: non tam vt Pomponium vellicaret, notarétve, quod plerique cum hic agere censent, & perperam quidem, ab illis iam verbis; *Adquin verum est*, quàm vt inquisitionem suam vlteriùs quàm Pomponius porrigeret, vel etiam clariùs & distinctiùs quod in controuersiam hac parte venire poterat definiret, vt superiùs ostensum est. Certè Vlpianum passim his libris ad Sabinum, Pomponium allegare probareque deprehendo, vt l. 4. ff. de legat. 1. l. 12. 29. ff. de usufructu, l. 8. de usufr. accresc. l. 4. 8. 14. de usu & habitat. l. 32. de legatis 1. l. 73. de legat. 3. l. 6. ff. commun. prædiorum: l. 14. de furtis: l. 7. ff. soluto matrimonio: l. 10. de testam. sus. l. 5. de impensis in res dot. fact. l. 6. de muneribus: l. 7. 17. in fine: l. 21. §. 2. 4. l. 36. 41. de furtis: l. 14. de præscript. verbis: l. 19. mandati: l. 2. de prin. cred. Et quidem etiam cum elogio, additâ voce, eleganter. l. 14. pro socio: l. 7. de furtis: l. 23. de condit. ind. l. 19. mandati: item, rectè. l. 3. §. 3. de assign. li. l. 1. si usufr. pet. l. 25. §. 9. de auro arg. leg. Est & vbi eum dubitasse memorat: l. 3. de testam. mil. l. 12. de usufr. l. 29. quibus modis usufr. amitt. l. 1. si usufr. petatur: l. 23. pro socio: l. 16. de testam. tutel. Tandem est, & vbi eum apertè reprehendit seu improbat, l. 23. ff. pro socio. Hic verò Vlpianus Pomponii vestigia secutus, tractatum ab eo semiplenum relictum porro persequi atque in bono lumine conlocare



locare instituit: *Et tamen*, inquit, *videamus*, &c. Ac si diceret: hæc quidem ita, ut supra memorata sunt, Pomponius, nondum tamen ista sufficiunt: ulterius enim adhuc videndum tractandūque superest, & expressius, quid sentiendum sit, non iam de nudâ Barbarii dignitate, in quâ aliquandiu latuit, verum de vi gestorum ab eo vel apud eum Præturâ cōstante, ratane ea sint, necne? Et verò definit Vlpianus, rata esse ea oportere firmitatēq; obtinere.

IX. *Dubitandi rationes* erant petiæ, non ex eo tantum, quod Pomponius ultro concesserat Barbarium Prætorem non fuisse: verum ex sequetibus etiam, siue ipsum seruum spectes, siue populi designationem. Primum, quod generaliter in confesso esset, seruum hominem jure civili, qui cæteroquin pro nullo, pro mortuo habetur, Iudicem vel Magistratum esse non posse, neque vllâ dignitate vtiliter fungi, l. cūm Prator 12. vers. moribus, ff. de judiciis: l. 2. C. si servus vel lib. ad decur. l. servus Cod. de judiciis: l. non mutas Cod. de liberati causa, &c. Item, quod etiam iustus Magistratus, si modum Jurisdictionis suæ egrediatur, nihil agat, veluti si penes eum Legis actio non sit, l. 2. 3. de off. Procons. l. 1. de off. Iurid. l. 4. Cod. de vind lib. l. 1. Cod. de emancipat. lib. Paulus, 2. sent. 26. n. 6. Item, quod errantis nulla sit voluntas, perque errorem ad eod gestu nullius sint momenti. Tandem, quod ab incompetente Iudice quocunque facta nullas vires fortianur, l. ult. Cod. si à non comper. Iud. In tantum, ut ea quoque quæ voluntariæ jurisdictionis sunt; quæq; ipsa *Legis actiones* dicuntur, apud incompetentem Iudicem facta, irrita sint, & ut valere possint iterari se deposcant. De quo insignis est Ammiani Marcellini locus: quem hac occasione genuinæ lectioni suæ reddere non piget. Is est libro 22. p. 226. ubi de Iuliano Imp. superioris anni Consule agens: Mamertino, inquit, ludos edente Circenses, manumittendis ex more inductis per admissionum proximum, ipse [Iulianus] *LEGE AGI* dixerat, ut solebas: statimq; admonitus, Jurisdictionem eo die ad alie-



rum (huius anni Consulem) pertinere, ut iterato obnoxium Decemviris errorem & ipse mutavit. Ita scilicet hæc postrema restituenda sunt: pro quo editiones corruptissimè habent, ut errato obnoxium Decembris auroram: paulò propius ad verum, Codex Vaticanus, referente Doctissimo Valesio, ut terrato obnoxium Decembris aurorem. Ita nempe moris olim erat, ut actus voluntariæ iurisdictionis, qui minùs ritè, vel minùs iustè processissent, aut plenè, iteratò peragerentur, veluti manumissiones, & id genus alia. Quod inter alia egregiè firmat quoq; lex 13. Cod. Theod. de infirmam. his que sub Tyrann. de quo ibi plenius: Pariter, ut ex Decemvirorum disciplinà sacra iterabantur, si prima displicuissent, neque jure processissent, teste Servio, ad 3. Æneidos p. 279. quò quidem Marcellinus eo loco allusit. Hæ igitur dubitandi rationes erant.

x. Atenim decidiendi rationes Vlpianum in aliam sententiam traxêre. Primum quidem argumentum est ab absurdo, & inde à communi priuatorum vtilitate. *Quid dicemus*, inquit, *quæ edixit, quæ decreuit, nullius fore momenti? An fore, propter vtilitatem eorum quæ apud eum egerunt vel lege vel quo alio jure? Et verum puto, nihil eorum reprobari: hoc enim humanius est.* Vbi initio figuratus interrogandi modus quem Græci *ῥησιν* & *ῥησιμα* quoque dixêre, notandus venit, *ἡ ἀνθρώπος* is scilicet admodum, arguendi gratiâ, non noscendi, vim maximam ad probandum habet, & ad infringenda argumenta in contrarium. Eo verò hic vsus Vlpianus, vt ostenderet, absurdam omnino rem fore, si gesta illa infirmarentur: *τῇ ἰσότητι: τὰς ἀπορίας οὐκ ἔστιν ἐν ἑαυτῷ παρὰ μὲν*; vt in simili censet Iudorus Pelus. lib. 3. *Epist.* 184. vbi etiam vide alia hanc in rem. Iñdè contrà stare communem eorum vtilitatem, qui apud Barbarium egerant. Ac si diceret, manifestè id in priuatorum injuriam cessurum, si bonâ fide ab eo & apud eum gesta infirmarentur retractarenturque, hoc solo obtentu, quòd non coram justo vndique Prætoire actitata essent: satis enim esse, quòd

quod Prætor publicè designatus esset : Atque idem non tantam hoc casu habendam rationem personalis alicuius in electo defectûs, quàm formæ substantialis : solemnîs, inquam, publicæq; designationis & electionis, & post hæc iudiciorum moris obseruati, in decernendis gerendisque quæ ab eo & apud eum gesta fuerunt : In quo utroque fundamentum legitimum habent actitata ab eo & apud eum : Denique potiorẽ rationem electoris legitimi, iustæque designationis & electionis esse oportere, communis utilitatis intuitu : sic ut seruus hic hætenus Prætor fuisse credatur, *quo ad ordinata per eum*, ut rectè Iason, *hic*, n. 16.

Et hanc quidem *humaniorẽ* esse sententiam addit Vlpianus : quæ velut ratio rationis est (spretâ contrariâ) quæ videlicet actus publicos in tuto locaret. Cur verò humanior ? Nempe ea semper sententia seu interpretatio in ambiguo præferenda est, quâ actus hominum, & iudicarij potissimùm, sustinentur, potius ut valeant quàm ut corruant : si modò forma substantialis intercessit : legitima, inquam, electio, & moris iudiciorum obseruatio : de quo in genere latè Menochius, in materiâ conuentionum, *de Tacitis & ambiguis*. lib. 2. c. 4. à n. 13. *Humanius est*, inquit Vlpianus, quæ passiuæ in iure formula est : similiter ut ista, *humanior interpretatio est humanior sententia* : item, *humanius* dicitur, & similes, quas collegere Indices formularij. *Humanius* igitur in specie huius l. non ut stricto juri id opponatur, quod vulgus censet, verùm ut in ambiguis id potius sequendum indicetur, quo absurdum vitetur, quodque communis utilitas procuretur.

xi. Quin & simili ad id confirmandum utitur Vlpianus argumento, desumpto à maiori ad minus, vel certè à minus fauorabili, ad id quod veniâ dignum potius sit : *Cum etiam*, inquit, *potuerit Populus Romanus seruo decernere hanc potestatem*. Quæ quidem ratio seu argumentatio, ne quis eam claudicare putet, quod sensere nonnulli, à sciente ad errantem seu ignorantem desumpta est : eo fine, ut seru-

tutem hoc casu nihil ob stare, quominus à Præ tore incapaci ritè tamen designato gesta vel apud eum actitata rata sint, efficiat: Nempe si sciens prudens populus seruum Præ torem designare potest: designatiq; ita acta valent, quanto magis ab errante id factum humanà interpretatione sustineri debet, ad validandos electi actus? scilicet *errantis* actus faciliùs sæpe sustententur, quàm scientis-prudentis, quia iusto errori facilè succurritur: contrà si quid à sciente-prudente aduersus leges admissum est, pro luforio habetur. Bonum igitur istud argumentum est, atque ita vt dixi, intelligendum.

Et vt ostendat magis magisq; Vlpianus quanta sit hinc publicæ utilitatis, inde electionis solénis, vis & ratio, s. *loca*, singulare quid, atque à jure magis adhuc exorbitans, adjicit: nempe, quod populus possit etiam, si velit, hoc casu seruù domino eripere, & seruum liberum efficere: Qui tractatus alioquin pertinet ad eam quæstionem, num publicæ utilitatis alicuius intuitu res sua priuato eripi possit, ac nominatim ad titulum Codicis *pro quibus causis serui pro premio libertatem accipiunt*: quod certè pertinent tot alia exempla, quæ historia sufficit, de seruis ob publicum vsum aliquem libertate donatis. Proinde argumentatio talis est à maiori ad minus: si publici commodi ergò etiam sciens-prudens populus, penes quem summa rei est, non tantùm seruum Præ torem designare potest, sed & seruum hoc casu domino eripere, iustà Electione: quanto magis in casu proposito talè quid statuendum est, non quidem vt seruus in totum iustus Præ tor efficiatur, non vt domino eripiat, verùm hætenus saltem, vt commodà interpretatione & humanà, gesta interim ab eo vel apud eum sustineantur: atque hætenus error populi, seruitusq; electi, gestis non obstant. Et hæc quidem ita Vlpianus.

XII. At nos aliis haud absimilibus præterea exemplis sententiam eius firmemus. Sic sanè quoque olim sub Magistratibus & Iudicibus, qui à Tyrannis constituti fuerant,  
more

more iudiciorum seruato, legitimè denique gesta, vel spontè apud eos transacta, rata erant: de quo extant plures constitutiones, puta *lex 2. §. 8. 9. 13. Cod. Th. de infirm. his quæ sub Tyrannis*. Et maior tamen hoc casu defectus videatur, vt puta cum ab *inhabili* potestas collata sit, & sic forma substantialis deficiat: vt proinde non dispar saltem hac parte ratio sit inhabilitatis eligentis & electi. Sic quoque, quod ad hanc quoque rem propiùs accedit, si arbiter à magistratu datus seruus sit, isque quo tempore sententiam dixit in libertate morabatur, quamuis postea in seruitutem depulsus sit, sententia ab eo dicta rei iudicatæ auctoritatem habet, *l. 2. Cod. de sentent. & interlocutionibus*. Atquin fauorabilior adhuc electionis à populo factæ ratio videtur, quàm quæ à priuato Magistratu facta est. Et hæc quidem de publicis actibus & electionibus. Quod priuata negotia attinet, quæ eadem tamen publici iuris vel publicæ fidei sunt, ita quoque Testamentum sustinetur, cui testis adhibitus est seruus homo, qui omnium consensu liberi loco habebatur, *l. 1. Cod. de testamentis*: vnde confectus est §. *sed cum aliquis, Institut. de testam. ordin.* nam, vt *d. l.* dicitur, *in hoc casu* tractari non oportet seruus quis an liber fuerit. His omnibus adjice, quòd filio-familias mutuo dato, qui publicè pater-familias plerisque videbatur, quiq; sic agebat, sic contrahebat, sic muneribusungebatur, cessat Senatusconsultum Macedonianum, seu cum eo gesta rata sunt, *l. 3. ff. ad SC. Macedon.*

XIII. Ex hac igitur iam Lege, *Axioma* istud tutè ad vsum & Praxim conficiamus, vbi de Iudiciariis actibus quarritur, à Iudice vel apud Iudicem gestis, celebratis, vt rata ea esse possint, satis esse, si Index publicè, solemniter, morèque maiorum, ritè denique, per Electionem decretus seu constitutus fuerit, & characterem publicum præ se ferat: denique si publicà auctoritate imposita sit ei persona, seu officium collatum: neque ob statum eius aliquandiu obnubilatum, supposititium, *υποβολιμαίον*, de-

creta gesta que idèd inualidari. Vno verbo, hac in resatis esse si *ritè* per superioris electionem, etsi non *rectè* electus sit: Idèd; *propter publicam utilitatem*, vt hac l. expressè dicitur. Falsum enim *πὸς τὴν* hinc vulgò educitur, magnòque idem apparatu hic à Doctõribus instruitur adornaturque, *Quòd error ius faciat*; quòdque hac ratione huius l. decisio nitatur: etsi non adèd malè nonnulli, quòd hæc vna sit è tribus, quæ hic essentialiter requiruntur: puta auctoritas superioris, publica vtilitas, & error communis: vel ita, quòd hic vnica sit ratio; quæ ex concursu trium causarum forinatur. Baldus ita, hoc non facere errorem communem, sed auctoritatem superioris, rationem verò auctoritatis esse errorem communem. Nos dicamus, supponi hoc casu nostro duo: puta, errorem communem, & auctoritatem superioris, seu legitimam electionem: at enim vnica ratione sustineri actus illos, puta *ob communem utilitatem*. Ergo, vt suprà vidimus, alio fundamento huius l. dispositio nititur, quàm errore publico, quod & Camillus Plautius iam olim & alii deinceps rectè ostenderunt: error enim in specie huius l. dubitandi rationem inter alias supeditabat, quasi idèd gesta irrita esse deberent, nempe quòd errantis nulla sit voluntas, nullus consensensus; non verò decidendi ratio erat: ea enim vera decidendi ratio hie est, vtilitas publica quæ illam vincit. Quare tandem si de *errore* quaeritur, dicamus, cum in specie huius l. non equidem nocere, imò prodesse: verùm rationem fundamentalem non ingredi: pariter vti prodest legitima electio. Qua occasione Interpretes in hanc generalem quaestionem sese hic diffundunt, & Iason cum primis latissimè & accuratissimè, utrùm gesta ab inhabili vel putatio iudice aut Notario vel Tabellione, similibusq; valeant: Et rectè tandem in hanc distinctionem consentiunt, an publicà auctoritate cui impositum sit munus per errorem, an verò quis sibi ipsi personam seu munus imposuerit, & intrusus sit, vel putatius tantum.

XIV. Et facilis proinde iam solutio seu responsio ad leges in speciem contrarias : si modò meminimus , hîc agi de magistratu publicè , ritèque ab eo penes quem potestas est electo : item agi de legitimè ab eo & apud eû gestis , quæ ad iurisdictionem eius pertinebant : agi item de gestis ab eo vel apud eum quamdiu in dignitate latuit : denique publicæ utilitatis rationem hîc verè . Non obstat , inquam : *lex Modestini nullus 19. ff. qui & à quibus manumiss.* vbi dicitur nullam esse libertatem datam ab eo , qui postea servus ipse pronuntiatus est ( quanquàm Accursiani olim hanc l. huic nostræ velut similem aptabant , omisâ voce *nulla* , quam habent Florentinæ ) & sic liberi statim ex manumissionis personâ retractari , ut loquitur *lex 1. Cod. ne de statu defunctor.* Non obstat Papiniani *lex non ideo 44. §. 1. de iudiciis* , vbi definitur , cum postea servus apparuit is , cuius nomine per procuratorem fuerat actum , absolui debitorem oportere , & sic iudicium non obtinere : Non , inquam , obstant hæ leges , quia in his agitur de priuatis qui nullam agendi substantiam habuerunt : nos verò versamur in casu , quo quis agendi substantiam habet , seu characterem & personam : ex electione publicâ & solemnî , et si defectus aliquis seu inhabilitas fuit in eius persona .

Non obstat eiusdem Vlpiani *lex si per errorem 15. ff. de iurisd.* quâ dicitur , si per errorem alius pro alio Prætor ( puta Urbanus pro peregrino : tutelarîs pro fideicommissario ) ab aliquibus aditus fuerit , nihil valere quod actum est : additâ ratione , quod ferendus non sit , qui dicat eos consensisse , cum non consentiant qui errent : nihilque tam contrarium sit consensui , quàm error qui imperitiam detegit . Vti nec obstat , quod & suprà iam perstrinxî in rationibus dubitandi , quòd si Magistratus modum Iurisdictionis sibi delatæ egrediatur , gesta ab eo nullius sint momenti : item , quòd ab incompetente Iudice facta decreta nullo jure censcantur , de quâ sit *Cod. si à non compet. Iud.* Nos enim in eo casu versamur , vbi Magistratus publicè

††††

con-

constitutus, modum jurisdictionis suæ non egreditur: nam ut Magistratus esse non potest, qui non ritè electus est, qui characterem publicum non habet, ita nec modus jurisdictionis non nisi à publico est, quem nemo egredi potest. Non obest Modestini *lex 10. de decur.* ubi dicitur, solà albi proscriptione, nostri dicerent, solà *immatriculatione* (de qua alioquin quæstione Iason n. 49.) minimè decurionem factum, qui secundùm legem creatus non est. Nos enim in eo casu versamur, ubi licèt inhabilis incompetens seu incapax aliquis, secundùm legem tamen creatus est: titulumq; proinde habet, seu *intitulationem*, ut loquitur Io. Faber! cum contra in illà specie secundùm legem seu canonice creatus non fuerit: & sic defectus fuit in formà & substantià: quomodo & Duumvir non est, qui nullo actu habito ex lege, sed tantùm vocibus popularium postulatus est, *l. si constet 12. de Appellationibus.*

Denique non obstat *l. 2. C. de eo qui pro tut.* ubi dicitur, non vtiliter nominatù tutorem pupillorum nomine agendo, licèt ex eorum persona inunctas impleat intentiones, exceptione *si Tutor non est* summoueri. Rectè, nam & in casu nostro, posteaquam Prætor seruus detectus est, si ab eo vel apud eū gesta quædā fuissent, valere non potuissent: Quare Vlpianus hac *l.* ea tantùm quæ edixit, quæ decreuit, quandiu latuit in Prætoria dignitate, rata esse definit.

xv. Superest ultimus huius legis versiculus, ubi *Ampliatio* seu Extensio continetur: nempe *Idem ius in Imperatore obseruandum.* Quod nonnulli ineptè ita accipere, quasi id voluerit Vlpianus, idem statuendum, si populus per errorem seruum Imperatorem creauerit. Quod etiam Berengarius Fernandus credidit. Imò sensus est, ut à Principe quoque seruo per errorem Prætor seu Magistratu creato, gesta ab eo & apud eum rara sint: item, ut sciens prudens Princeps seruo potestatem decernere possit: tandem, ut seruum alienum liberum efficere possit, publici alicuius commodi.



commodi ergo (quanquam Tiberius & Domitianus id inuito domino facere aliquando renuere: teste vel Suidâ & Dione) Nempe Vlpianus (si modò Vlpiani & non Triboniani hic versiculus est) vetustum thema quod sub Triumviris, populari adhuc quadamtenus statu, euenerat, ad sui iam aui usum & praxim vtiliter hic transferre voluit, quo omnis iam populi potestas Principi & in Principem, id est, *παπλως*, optimâque lege, vt alibi plenius explicauimus, translata fuit. Imò Vlpianus id jus *multo magis in Imperatore observandum* ait. At cur **MULTO MAGIS**? cum tamen ex parte potestatis, vt loquuntur, vnus alio maior non sit: i. eadem postea Imperatoris potestas fuerit, quæ olim populi? Quidam censent, id ab Vlpiano ided dictû, quodd Princeps legibus solutus sit, quam etiam rationem reddit Goueanus. Alii existimant, quia facilius præsumatur voluntas vnus personæ, quàm innumerabilis populi, faciliusque vnus consentiat quàm populus: & sic maioritatem hic versari putant ex parte consensûs: quam rationem reddit Baldus. Alii, *multo magis* exponunt vi expressionis: quodd scilicet populus nunquam nisi fide consentiat, at Princeps facilius consentiat quàm populus. Duarenus ait, quia ventâ dignus sit magis vnus Imperatoris error, quàm populi totius, propter *ῥαυτέταρ*. Baro hanc rationem reddit, quodd facilius Principi & paucis qui in consilio eius sunt seruus obrepere possit, quàm toti populo. Ego Vlpianum, si modò Vlpiani hæc sunt, crediderim, id ita dixisse, non quasi in immensum absolutam Principis potestatem eneetum iuerit, omniumq; legum repagulis solutum Principem crediderit, à quo adulandi studio eum iamdudum absoluimus: verum, quia Magistratuum creatione in vrbe ad Principis curam translata, vt Modestinus scribit *l. vn. ff. ad l. Iul. de ambitu* (cui conuenit & solemnissimus iam Iuuenalis locus *Satyrâ* 10.) ex vnus Principis nutu & interpretatione tota res hæc pendere, quod in singulis è populo haud equè euenire poterat: Qua causâ priuato fas non esse de eius capitate



pacitate & habilitate quærere, quem Princeps elegeret. Quod pertinet illud, *Disputare de principali iudicio non oportere: sacrilegi enim instar esse, dubitare, an is dignus sit quem elegerit Imperator: ut disertè Valentinianus Iun. rescribit ad Symmachum P. V. in l. Disputare 3. C. de crimine Sacrilegi.* Nam, quod ipse idem Symmachus quoque, *lib. 10. Ep. 34. dicit, qui Iudices decolorant, sacri (i. Principis) testimoniis facilitatem videntur incesse.* Simileq; est, quod idem Valentinianus ad Præfectum annonæ Urbis Romæ scribit *l. 5. C. de diuers. refer. Sacrilegii instar esse super quibuscunq; Administrationibus vel dignitatibus promulgandis, diuinis (i. Principis) obuiare beneficiis.* De quarum alioquin legum sensu plura alibi dico. Ergo multò magis in Imperatore istud obtinere dicatur, quia tota res hæc à Principis nutu penderet, eiusq; iudicium vel facilitatem hac parte incesse, priuato non cõueniret: cum & alioquin Princeps rationibus huiusmodi obnoxius non sit, contra *invidiæ* sit, & iudicii sui hac parte solus interpres existat.

Et hac quidem ratione multò magis sustineri Vlpianus voluit gesta ab eo vel apud eum, quem Princeps per errorem Prætorem creasset, vel cui administrationem vel dignitatem aliam contulisset. Eademq; ratione Princeps, multò magis adhuc quàm populus Romanus, seruo Prætorem potestatem vel aliter inhabili magistratum quemcunque confert potest: eundemq; si sciat seruum, liberum efficere. An verò, eo ipso quòd Princeps seruū sciens-prudens Prætorem fecit, & liberum fecisse intelligatur, quod post Græcos censuit Cuiacius, 8. *Obs. 39. eaq; sit eà parte huius l. sententia, versic. sed etsi scisset, &c.* commodiorem loco tractabitur: Ut & de sententia *Legis 6. & 7. C. qui mil. poss.* Mihi enim propositum haud aliud nunc fermè fuit, quàm *Leg. Barbari* à malâ correctorum manu vindicare: Eademq; amicitia nostræ, nuper etiâ cominus recentatæ, pignus aliquod, verbis modicū, affectu plenissimū, tibi dicare, posteritatiq; relinquare.

FINIS.

2179. 10

99963022







